

STORACLES OF PROPHECY

Leitang Tawlngakna

2 Khangthangtu 36:11-21


Ta-ang Thu . . .

H

ih ih leitung akibawl cil-in na khempeuh avekpi iin hoikhim hi. Mihing, ganhing, singkung lopa te avekpi-in kilem dimdiam uh hi. Ahih hangin mawhna hong lut khitciangin, na khempeuh kikel ma-ang hi. Mihingte in ganhingte sa hong ne uh hi. Canhingte zong amau leh amau hong kine ta uh hi. Lingkung leh thanglingkunte munci tengah hong po ta hi. Mawhna hangin hih leitung zong hong kisamsia hi. Pasian in Cain tungah gena, "Lo na khawh ciangin nang adingin na hong piangsak nawn lo ding hi." Paniel 4:12.

Tua manin Topa in Isreal mite kiangah na leitangte uh kum sagih sialin tawngasak un ci hi (Paikhatna 23:10, 11). Tua hi leh leitang hong thaksuak kik iin tua atawngak sung a piang ansangte pen mizawngte ading hi ding hi. Ahih hangin Pasian mite pawlkhat in hi sawlha pen awlmawh lo-in mang nuamlo uh hi. Tua ciangin adahhuai mahmah thukhenna hong tung hi. Babylon kumpipa Nebuchadnezzar hong pai-in amah alangdo khempeuh hong that hi. Tua lo teng khempeuh kham khuapi Babylon ah ciahpihi. "Sabbath ni lungdamna ni ci-in hong tan kik masiah uh Isreal gam pen dai-in kisia a, aleitang in Sabbath tang hithiat hi." 2 Khangthangtu 36:21. Kum 70 hong cin khitciangin, anungta lai tengin Jerusalem lam kik dingin Canaan gamah hong ciah kik uh hi.

Tu-in Zeisu khaicci tuh hong gupkhat lungdamna thu kitangko khit zawh kum 6000 sawtta hi. Laisiangtho in "Pasian adingin ni khat pen kum khat, kum khat pen ni khat tawh kibang hi ci hi." 2 Peter 3:8. Hih leitungah anla dingin Kumpipa Zeisu in sawt nawn hetlo-in hong pai kik ding hi. Pawlkhat te ahih leh hong paina vangtang in kaplum dinga, acianlai teng ahih leh Ama kham kumpi gamah hong ciah pih ding hi. Tua khitciangin hih agim mahmah alui leitung in kum 1000 sabbath tangin tawlna hithiat ding hi!



AMAZING FACTS

Thu Sinna

Laisiangtho na sim khitciangin a awng munte behlap in.

1. Kum 1000 kipat nadingin bang piang ding hiam?

1 Thessalonians 4:16 Bang hang hiam na cih uh leh, _____ mah in kikona tawh, ... vantung pan hong _____ in, Khris sungah a sisa mite in a _____ masa ding uh hi. **Mangmuhna 20:4, 5** Tua mite in kum tulkhat sung nungta-in, Khris tawh a _____ uh hi. Aom lai a si mite in kum tul a cin'ma -in a nungta kei uh hi. Hih thawkikna in _____ thawkikna ahi hi.

Phawk Ding: Mangmuhna 20 sunga kum tulkhat pen millennium kici hi. "Millennium" cih in Latin pan kila kammal nih kigawm hi a, "milli," akhiantra in "tulkhat" cih nahi a, "annum" akhiantra in "Kum" cih na ahi hi. Zeisu nih veina hong paina leh, misiangthote thawkikna te in Kum tul kipatna lim hipah hi. Khang tawntunga misiangthote khempeuh ("siangtho leh thupha" ngahte aw, ci-a agen aneu 6) ah tua teng khempeuh thawkikna masa ah hong thoto ding uh hi.

2. Thawkikna masa ah apiang ding adang bang omlai hiam?

1 Corinthians 15:51, 52 Eite khempeuh sicip ding ih hi kei hi. A nunung peengkul hong mut ciangin tomkha sung mitphiat kikal iin eite khempeuh ih _____ ding hi. Tua peengkul a mut ding a, misite in muat thei nawn lo dingin hong tho kik ding uh hi.

Philippians 3:21 A ginalo i leitung pumpi pen ama-a' mah bangin a _____ pumpi tawh hong kheelsak ding hi.

2 Thessalonians 2:8 Gilo Mi a kilang ding hi. Tua mi Topa Zeisu ... a hong pai kilatna vangliatna tawh a _____ ding hi.

Mangmuhna 16:18, 20, 21 Zinling khempeuh lakah a husia pen ahih manin mihing a pian'zawh hihbang _____ omngei nailo hi. Tuikulh khempeuh mangthang a, mual khempeuh maimang hi.

_____ golpipi, khat ciangin tawi sawmthum val a gik, van panin mite tungah hong kia hi.

Mangmuhna 20:1, 2 Vantung mi khat hong paisukin, ... Amah in tanglai gulpi, Dawimangpa ahih kei leh Satan zong a kicipa manin kum tul khat sung a _____ hi.

Phawk Ding: Laimai 6 na ah kum 1000 kisualhna enleng kum 1000 koici kipat hiam cihi kithei ding hi.

3. Thawkikna nihna ah kuate tho dinga bang hun ciangin hi ding hiam?

John 5:28, 29 Han sungah a om misi khempeuh in ama aw za-in, han sung panin a hong paikhat uh hun hong tung ding hi. A gamtat hoih mite pen a nungta tawntung dingin hong thokik ding uh a, a gamtat _____ ahih leh mawhsak thukhenna a _____ dingin hong thokik ding uh hi.

Mangmuhna 20:5 Aom lai asi[mawhnei] mite in kum tul a _____ ma-in a nungta kei uh hi.

Phawk Ding: Kum 1000 hong bei ciangin migilo teng khempeuh thawkikna nihna ah hong tho ding uh hi.

4. Kum 1000 khat sung leitung bang suak ding hiam?

Isaiah 24:1 En un, {Topa} in leitung _____ sakin gamkhang suaksak ding a, ... a teng mite thehthang gawp ding hi.

Jeremiah 4:23-26 Leitung ka et leh _____ neilo a, vantungah zong khuavak omlo hi. Mualte ka et leh kiling damdam uh a, mual neute kileh kawikawi uh hi. Ka khuadak leh mi khat beek ka mu kei a, vana vasate zong a leengmang khin uh hi. Ka et leh, logam leihoih teng sehnal gam suakkhan a, {Topa'} mai, a hehna lianpi mai-ah, _____ khempeuh kisia khin uh hi.

Jeremiah 25:33 "Tua ni-a {Topa'} _____ mite' luanghawmte leimong khat panin mong khat dongah a kithehthang ding uh hi. Amaute kuamah in a kah kei ding uh a, kikaikhawm loin, lo ding

Phawk Ding: Zeisu nih veina hong paina hangin zinling leh gialpote in hih leitung susia ma-ang iin amialpi iin kinusia ding hi. Leitung dim iin misite kithehthang ding uh hi, amaute kuamah in kah lo ding hi, ahang in mihing khat beek om nawnlo hi. Misiangthote teng khempeuh vantungah om uha, migilo khempeuh si uh hi. (Abelapna "Mong neilo Kawhawm" cihna ah en in)

5. Kum 1000 sung misiangthote koi ah om dinga, bang sem ding uh hiam?

John 14:3 Kong paikik ding a; _____ munah na om na dingun ka hong la ding hi.

Mangmuhna 20:4 Tua lai takin kumpi tokhomte kamu hi. Tokhom tungah a tu mite in _____ theihna a ngah uh hi. Tua mite in kum tul khat sung nungta-in, Khris tawh amang khawm uh hi.

1 Corinthians 6:2, 3 _____ in leitung mite thu a khen ding uh thei lo na hi uh hiam?...Eite in vantungmite thu i khen ding thei lo na hi uh hiam?

Phawk Ding: Kum 1000 khat sung misiangthote in vantungah om ding uha, thukhenna sem ding uh hi. Kua in gupna ngah dinga kua in ngah lo ding cihi thukhen ding hilo hi, ahangin Pasian in akhensa ah hi. Amaute in Pasian khensatna sa akipsak ding uh ah hi. "Na thukhenna kician mahmah hi" Mangmuhna 15:4. Midikte thaman maan tak-a apiak mah bangin mawhneite thaman daan zong ahi banglan mahin pia ding hi (Mangmuhna 22:11,12). Hih thukhenna pen midikte phattuamna ding hi. Gentehna iin, nang vantung gam tung dingin na muan na Pastor pa in vantung hong tung kei henla, minsatna leh gamtat hoih lohna nei hi kici leh, na lungkim nadingin hong kihilh kul ding hi. Vantungmite in aciaptehna laibute uh hong lem iin hong lak ding uh hi. Hih thukhenna amah khitciangin, mite khempeuh in Pasian pen itna leh hehpihna dim athumaan Pasian ahihna tel ciat ding uh hi. Tua ciangin amaute khempeuh in athukhenna in siangtho in thumaan hi ci-in awng ding uh hi." Mangmuhna 19:2. (Abelapna thulu "kum 1000" acihna ah en in)

6. Kum 1000 bei ciangin bang piang ding hiam?

Zechariah 14:1, 4, 5, 9 Tua ni ciangin Jerusalem nisuahna lama om _____ tungah Topa ding ding hi. Tua ciangin nisuahna lam pan nitumna lam-ah Olive mual kitamin _____ suak ding a, a kikaloh kuampi om ding hi.

Topa ka Pasian hong pai ding a, a mi siangthote khempeuh hong tonpih ding ... Topa pen leitung khempeuh kumpi suak ding hi.

Mangmuhna 21:2 Jerusalem khua thak a hi khuapi siangtho in a pasal ading a kizeemsa-in a om, a kipi mo bangin kiging kholin Pasian kiang _____ pan hong _____ ka [John]mu hi.

Phawk Ding: Kum 1000 abei ciangin misiangtho teng khempeuh khuapi siangtho sungah omsa-in hong tuaksuk ding uha, tu-a Olive mual aomma munah vantung panin hong tuaksuk ding uh hi. Tua khuapi kingakh nadingin Topa in tua mualpi zangtaam suaksak ding hi.

7. Satan a kikhahkhiat khitciangin bang piang ding hiam?

Mangmuhna 20:5, 7 A om lai _____ mite in kum tul khat a cin' ma-in a nungta kei uh hi. ... Kum tul a cin' khit ciangin Satan in a kikhumna pan _____ hi.

Phawk Ding: Migilote a thawhkik khitciangin Satan in khem a, ama deih bangin a bawlkk theih nadingin khat vei kikhahkhiat kik ding hi.

8. Migilote hong thawhkik ciang Satan in bang sem ding hiam?

Mangmuhna 20:8, 9 Gog leh Magog a kici leitung gam khempeuhah a om minam khempeuh a _____ dingin kuankhia ding hi. Satan in a galsimpah dingin tuipi gei-a schnel zahin a tam mihonpi kaikhawm ding hi. Leitung khempeuhah amaute pai uh a, Pasian' mi siangtho omna mun leh Pasian in a it khuapi _____ uh hi. Ahi zongin vantung panin meikuang hong paisukin amaute a kangtum hi.

Phawk Ding: Satan in thumaan lopi-in vantung pan kei hong kihawlkha hi kipawlkhawm iin khuapi do-in la ni ci-in mite khem ding hi. Mipite thukim ding uha khuapi siangtho pualam ah awngin migilote in a zo ding kisa-in Jerusalem Thak dohuan ding uh hi.

9. Hih bang hun laitakin, bangin na khempeuh khawlsak hiam?

Mangmuhna 20:11, 12 Tua ciangin alian _____ kumpi _____ le a tunga tupa ka mu hi. ... Nuntakna laibu ahi laibu dang khat a kilem hi. Misite tungah a hihstate uh laibute sunga kigelhsa tawh kizui-in thu _____ hi. (ZIV)

Phawk Ding: Pasian tokhom thakhatthu-in khuapi tungah hong kilang dinga, anunung pen thukhenna hong kipanta ding hi. Thakhatthu-in simvat ding acih pen uh hong khawlkha a, Laibute kiphen a, mihingte khempeuh gamtatna teng khempeuh hong kilang hi. Na khempeuh midikte leh migilote mai ah avekpi-in hong kilangta hi (Luke 12:2, 3).

10. Migilote thu akikenh khitciangin bang piang ding hiam?

Romans 14:11 Kei[Topa] pen a nungta ka hih mah bangin ka mai-ah mi _____ hong _____ ding a, Pasian ka hihna thu mi khempeuh in pulak taktag ding uh hi.

Philippians 2:10, 11 Tua Jesu min ah vantung, leitung le leinuai-a om khempeuh khukdinin, leii peuhmah in, " _____ Christ, Topa hi," ci-in _____ dinga, Pa Pasian minthanna ahi ding hi. (ZIV)

Mangmuhna 19:1, 2 Vantungah mihonpi a kikona awging tawh a kibang khat ka za a, ... A _____ nate thumanin _____ hi.

Phawk Ding: Migilote khempeuh in Pasian thudik-a athukhenna maan mah hi, Pasian in honnuam mah a, ahi zongin amaute in nial den uh ahih man hi, mawhna sung mah ah ut zaw uh ahih man hi cih hong thei ta uh hi. Tua khitciangin, mawhna tawh kidona khempeuh bei dinga, mawhneite khempeuh kisusia maimang ding hi.

11. Tua khitciangin bang piang leuleu ding hiam?

Mangmuhna 20:9 Pasian kiang vantung panin _____ hong paisukin amaute a _____ hi.

Mangmuhna 20:15 Nuntakna laibu sunga a min kigelh lo peuhmah _____ sungah kipaai hi. (ZIV)

Phawk Ding: Pasian khuapi kimot tengah Pasian meikuang hong kiasuk dinga, migilo teng khempeuh kangtum ding uh hi. Hih meikuang in mawhneite khempeuh vut leh vai suaksak ding hi (Malachi 4:3). Dawimangpa in hih hell meikuang bangmah cih thei lo ding hi. Thamlon-in amah leh dawigilo teng khempeuh te in zong tua hell meikuang thuak ding uha, vut suak ding uh hi (Mangmuhna 20:10; Ezekiel 28:18). Hih hell meikuang sunga site adingin thawhkikna om nawnlo hi. Hihpen nih vei sihna kici hi (Mangmuhna 20:14).

12. Meikuang khempeuh amih khitciangin Pasian in Ama mite adingin bang hong sem ding hiam?

Isaiah 65:17 En un, van thak leh leitung thak te ka _____ hi.

2 Peter 3:13 Eite in Pasian' hong ciamsa, _____ bekbek a kizatna ding mun van thak leh lei thak a ngak ihi hi.

Phawk Ding: Kum 70 khitciangin Israel mite Babylon gam pan khapsa gam ah hong ciah kik uha, khuapi hong lam kik uh hi. Kum tul khitciangin misiangthote in Zeisu bawl van thak (huylak) leh pauban omlo lei thak thu tec pang ding uha, tua lai ah mawhna cih peuh mah om kik nawnlo ding hi (Nahum 1:9) Adam leh Eve in atansuah khitsa uh Eden huan thak pen zong ahoih zaw in hong kipia kik ding hi. Kilemla, Lungnoppa, itna, leh nuamna kicing Pasian mite-in nei tawntung ding uh hi!

13. Pasian leh midikte koilai ah teeng suak ding uh hiam?

Mangmuhna 21:3 Tu-in Pasian tenna mite tawh om khawm ta dinga, amah _____ tawh a _____ ding hi.

Matthew 5:5 Lungnemte in thupha a ngah ding uh hi. Bang hang hiam nacih uh leh, amau in _____ a luah ding uh hi.

Phawk Ding: Pa Pasian leh Tapa Pasian te in a misiangthote uh tawh leithak ah teengkhawm ding uh hi. Ngaihsun dih ve—Pasian innveng aa nei ding!

Nang D^Awnna

Zeisu in, "Note om nading mun bawlkhon-in kapai ding hi." John 14:2. Amah in khuapi siangtho sungah na om nading inn golpi nei hi. Ama hong piakkhong nuntaak tawntungna tu-in na sang nuam nai hiam? Sang lecin nuntaakna thak leh Ama gam adingin kiginkholhna nang hong pia ding hi.
DAWNNA: _____

Hilhcianna

Hih anuai-a te in telbeh nadingin hong huh ding hi.

Kum 1,000 Khat

Kum 1000 kipatna a thupiange:

1. Zeisu A misiangte la ding hong paikik, midik asite tho kik.
2. Topa hong paina vaangin migilote thatlum, zinling, gialpate kia-in susia ma-ang.
3. Ahinglai midikte kikhel-in huih lak ah Topa tawh kumu dingin kila to.
4. Melomte-in midikte vantungah puak to.

Kum 1,000

Kum 100 sunga thupiange leh adinmun:

1. Misiangthote in vantungah mimawhte akithukhenna ah kihel.
2. Satan leh adawi gilote hih leitungah khuamialpi leh siatcipna sungah ki-om cip sak.
3. Hih leitungah a nungta mi khat beek om lo.

Kum 1000 bei cianga thupiange:

1. Zeisu Ama misiangte TAWH hong pai kik, Olive Mual tungah khuapi siangtho kinga.
2. Migilote thokik, Satan in khuapi siangtho do dingin migilote zol.
3. Migilote thu kikhen, vantung pan meikuang kia in migilote-in haltumna thuak.
4. Pasian in vut asuak leitang siangsak iin, van thak leh lei thak bawl.

Mongneilo Kawhawm

"Mongneilo kawhawm" Mangmuhna 20:1 sunga pen mi tampi in telsiam lo uhhi. Greek kammal pan-a kila hi a, "abusos," mikangkam iin "abyss," kici hi. Greek Laisiangtho Lui sungah, hih kammah pen lim leh mel neilo cihna hi a, khuamial tawh kidim leitung piantsak ma-a omdan ahi hi. "Leitung in lim leh mel neilo a, khuamial sahpi in tuam hi." Piancil 1:1,2. "Abusos" cih kammal pen Luke 8:31 sungah zong kumu kik thei hi, dawite in khutzat khat beek aneih theih lohna mun uh cihna lim ahi hi.

Kum 1000 sungin, dawimangpa in "khem ding kuamah neilo" ahih manin khau kikhah ahi hi." Mangmuhna 20:3. Sikkhau takpi tawh dawi khat bangci hen ding ih hi hiam? Akidal thei khat bek pen kuamah akhem theih nawnloh nadingin, kuamah nungta om kei leh hi ding hi. Zeisu hong paikik ciangin mimawhte khempeuh sikhin dinga, midik teng khempeuh vantung kahto ding uh hi. Tua manin Satan leh adawi gilote hih leitungah om ding uha, kuamah khem ding neilo ding uh hi. Tua kum 1000 sunga tengin amau bawlhaa hanga hih leitung siatna teng vel kawikawi ding uh hi. Tua sanga haksaw zaw aom nawnlo omzia tawh kihencip ding ahi hi. "Gum sunga om thongkiate bangin amaute kikaikhawm ding hi, thong sungah amaute kikhaknelh dinga ni tampi khitciangin amaute kidaantat ding hi." Isaiah 24:22.